



ՊԵՏԱԿԱՆ ՓՈՐՁԱԳԻՏԱԿԱՆ ԵԶՐԱԿԱՑՈՒԹՅՈՒՆ

«Հայաստանի Հանրապետության Կոտայքի մարզի Նաիրի համայնքի տարածական պլանավորման փաստաթղթերի նախագիծը հաստատելու և ավագանու մի շարք որոշումներ ուժը կորցրած ճանաչելու մասին» համայնքի ավագանու որոշման նախագծի վերաբերյալ

«Հայաստանի Հանրապետության Կոտայքի մարզի Նաիրի համայնքի տարածական պլանավորման փաստաթղթերի նախագիծը հաստատելու և ավագանու մի շարք որոշումներ ուժը կորցրած ճանաչելու մասին» համայնքի ավագանու որոշման նախագծի (այսուհետ՝ Նախագիծ) վերաբերյալ հայտնում ենք հետևյալը՝

1. Նկատի ունենալով «Նորմատիվ իրավական ակտերի մասին» օրենքի 12-րդ հոդվածի 3-րդ մասի կարգավորումը՝ անհրաժեշտ է վերնագրում «ՀՀ» հապավումը բացել, միաժամանակ Նախագծով նախատեսվում է երկու որոշում ուժը կորցրած ճանաչել, որոնք **մի շարք որոշումներ չեն**, ուստի ապահովելով իրավական որոշակիության սկզբունքի կիրառումը և հիմք ընդունելով «Նորմատիվ իրավական ակտերի մասին» օրենքի 12-րդ հոդվածի 1-ին մասի դրույթը՝ անհրաժեշտ է Նախագծի վերնագրում հստակ նշել թե որ նորմատիվ իրավական ակտերն են ճանաչվելու ուժը կորցրած:

2. Նախագծի նախաբանում որպես լիազորող նորմ հղում է կատարվել «Տեղական ինքնակառավարման մասին» օրենքի 18-րդ հոդվածի 1-ին մասի 29-րդ կետին, ինչպես նաև «Քաղաքաշինության մասին» օրենքի 14.3-րդ հոդվածի 5-րդ մասին:

Այսպես, «Տեղական ինքնակառավարման մասին» օրենքի 18-րդ հոդվածի 1-ին մասի 29-րդ կետի համաձայն՝ **Համայնքի ավագանին սույն օրենքով սահմանված կարգով որոշում է ընդունում համայնքի քաղաքաշինական ծրագրային փաստաթղթերը, դրանց փոփոխությունները, ինչպես նաև նախագծման**



առաջադրանքները հաստատելու մասին՝ «Քաղաքաշինության մասին» Հայաստանի Հանրապետության օրենքով սահմանված կարգով:

«Քաղաքաշինության մասին» օրենքի 14.3-րդ հոդվածի 5-րդ մասի համաձայն՝ Համայնքի քաղաքաշինական ծրագրային փաստաթղթերը (այդ թվում՝ վերջիններիս կազմում մշակվող՝ հողամասերի նպատակային նշանակության փոփոխությունները և նախագծման առաջադրանքը) համայնքի ղեկավարի ներկայացմամբ հաստատում է համայնքի ավագանին:

Վերոգրյալից ելնելով, անհրաժեշտ է Նախագծի վերնագիրը, 1-ին կետը համապատասխանեցնել լիազորող նորմին:

3. Նախագծի վերնագրի համաձայն նախատեսվում է հաստատել՝ **Հայաստանի Հանրապետության Կոտայքի մարզի Նաիրի համայնքի** տարածական պլանավորման փաստաթղթերի նախագիծը:

Մինչդեռ Նախագծի 1-ին կետով հաստատվում է **Հայաստանի Հանրապետության Կոտայքի մարզի Կոտայք-4 համայնքի** միկրոռեգիոնալ մակարդակի համակցված տարածական պլանավորման փաստաթղթերի նախագծի կազմում ներառված **Հայաստանի Հանրապետության Կոտայքի մարզի Նաիրի համայնքի (Եղվարդ, Ջովունի, Քասախ, Պոռչյան, Արագյուղ, Բուժական, Սարալանջ և Ջորավան բնակավայրեր)** տարածական պլանավորման փաստաթղթերի նախագիծը:

«Նորմատիվ իրավական ակտերի մասին» օրենքի 12-րդ հոդվածի 1-ին մասի՝ համաձայն՝ **նորմատիվ իրավական ակտը ունենում է վերնագիր, որը համապատասխանում է նորմատիվ իրավական ակտի բովանդակությանը:**

Վերոգրյալից ելնելով անհրաժեշտ է Նախագծի վերնագիրը և բովանդակությունը համապատասխանեցնել միմյանց:


4. Նկատի ունենալով «Նորմատիվ իրավական ակտերի մասին» օրենքի 9-րդ հոդվածի 1-ին մասի իրավակարգավորումը, համաձայն որի՝ **նորմատիվ իրավական ակտի կարգավորումը չպետք է դուրս գա իր առարկայի շրջանակներից**, անհրաժեշտ է



Նախագծի 6-րդ կետը վերանայել՝ հստակեցնել Նախագծի ուժի մեջ մտնելու պաշտոնական ժամկետները:

5. Հաշվի առնելով այն հանգամանքը, որ Նախագծին կից ներկայացվել են մի շարք փաստաթղթեր, որոնք որևէ կերպ համարակալված չեն, պարզ չէ թե դրանցից որոնք պետք է ենթարկվեն փորձաքննության և որոնք հետագայում ինկորպորացվեն, ուստի անհրաժեշտ է Նախագծին կից ներկայացված փաստաթղթերը ներկայացնել «Նորմատիվ իրավական ակտերի մասին» օրենքի 13-րդ հոդվածի 9-րդ մասի դրույթի համապատասխան, որի համաձայն՝ նորմատիվ իրավական ակտով հաստատվող կանոնները, կանոնադրությունները, կարգերը, ցանկերը, աղյուսակները և այլն ամրագրվում են (կամ ձևակերպվում են) նորմատիվ իրավական ակտի անբաժանելի մաս համարվող հավելվածների ձևով: Հավելվածներն առանց Կրկնապատճենի նորմատիվ իրավական ակտի իրավաբանական ուժ չունեն: Նորմատիվ իրավական ակտի համապատասխան մասերը հղում են պարունակում այդ հավելվածներին:

**Իրավական ակտերի փորձաքննության
գործակալության պետ՝**

 Recoverable Signature

X 

ԷՄԻԼ ՄԱՐԳԱՐՅԱՆ

Signed by: MARGARYAN EMIL 4014910245

Է. ՄԱՐԳԱՐՅԱՆ